

Wiehnachtsengel

Sigrid un hör Bröör Jonas harren dat drock hatt mit Moders Um-trecken. Dat grote Huus was verköfft worden un Moder truck um in en lüttje Wohnen. Dat heel Wekenenn harren se Möbels in de neje Wohnen brocht un Kartons eerst in- un denn weer utpackt.

Un denn was dat Malöör passeert. Harr een to froh lösslaten of de anner nich recht fasthollen, dat kunnen se naderhand nich mehr seggen. Tominnst was de Karton mit de Wiehnachtssaken andaal fallen. 't Meeste was heel bleven, blot Moder hör Bozener-Engel was kött.

Waarum utrekent disse Engel? De harr se doch elke Jahr so geern upstellt. He harr so en mooi Gesicht. Moder see eerst nix. Denn dreihde se sük um un meende, dat leet sük ja nich mehr ännern.

Sigrid harr 'n slecht Geweten un söchde overall na



Wilma Lüken gehört zum Team der Autoren, die diese Kolumne schreiben.

en glieke Engelke. As se lestens Fierabend harr, sach se up de Weg na Huus hen, so en Bozener-Engel in 't Fenster van en Laden mit oll Saken. De sach nettak-kraat so ut, as Moders Engel!

Man de Laden was al dicht. Anner Dag wull se in hör Middagspaus daarhen. Mörge was Sünnerklaas

un denn wull se Moder de Engel schenken. Man anner Dag stunn de Engel nich mehr in dat Fenster! De Baas see, he harr hum nettak-kraat disse Vormiddag an en Mann verköfft, de sük bannig freit harr. Bedrööv gung Sigrid na Huus.

Anner Wekenenn harr se mit hör Kollegen 'n grote Wiehnachtsmarkt besöcht. Se keek de hele Tied blot na Bozener-Engels, man nargens sach se een. Man up de Weg torügg kwammen se an en Laden mit moje Saken vörbi. Se kunn dat haast nich glöven, man in de een Eck van de Laden stunn dadelk en Bozener-Engel!

Nettso as Moders Engel sach he ut, blot 'n bietje lüttjeder. Beter en lüttje Engel as gaar kien, doch se un namm hum mit. Wiehnachtsabend truff sük de Familie bi Moder. Gespannt keek Sigrid hör Moder an, as se dat Engelke utpackde. „Oh wat mooi!“, reep se.

„He is ja 'n bietje lüttjeder, man anners sücht he nettso ut as mien oll Engel.“ Jonas smüüsterde blot. As Moder dat Packje van hum utpackde, gung en Strahlen over hör Gesicht. En grote Bozener-Engel kwamm vandag.

KOLUMNE

Moin, Moin
Schrievers Sprak
allerbest Sprak
Pläseer Vertellsel
Smüstern
moje
hoop

Platt maakt

„Waar hest du de denn funnen?“, wull Sigrid weten. „De hebb ik vörmiddags an Sünnerklaas funnen, in de Laden mit oll Saken achter d' Kark.“ Nu muss Sigrid laggen. „Denn hest du mi dat Engelke för d' Nöös weg köfft! Man nu is Moder mit twee Engelkes dübbelt glücklich!“